

felix, quoad *Jojada* vixit. Nam & ruinas Anno
M.
 Templi instauravit, & cultûs publici corruptelas sustulit, & præsentem Dei opem expertus est. Sed à morte *Jojadæ* descivit à pietate, oblitus non tantùm præceptorum, sed etiam beneficiorum nutritii sui: cujus filium *Zachariam*, redarguentem idololatriam & alia peccata, crudeliter occidit. Quapropter ab *Hazaele* Rege Syriae graviter afflictus, à ministris verò suis inita *conspiratione* è medio sublatus est.

Amasia ulciscitur patris necem: ab *Edomæis* & *Arabibus* insignem deportavit victoriam Dei auxilio: sed lapsus in idololatriam perdidit fructus victoriæ à *Joa* Rege Israëlis cæsus & à suis trucidatus. 3105.

Uzias, qui & *Azarias*, Rex fortis & industrius, domi forisque rem præclarè gessit: *Philistæos* attrivit: *Arabes* domuit: *Ammonitas* vectigales fecit. Elatus fortunâ, cùm ipse adoleret in Templo, percussus leprâ regno decedere coactus est. 3145.

Jotham Rex probus justusque instauravit ruinas Templi & urbis: *Ammonitis* verò à se devictis annum *tributum* imposuit. 3197.

Achas idololatra liberos suos immolavit *Molocho*, profanavit Templum, & totum regnum idololatricis cultibus implevit. Vexatus armis duorum Regum, Israël & Syriae, in auxilium vocavit *Tiglath Philesarem* Assyrium, in cujus gratiam etiam Syrorum Sacra admisit, tanquam magis propitia cultoribus suis, ministro tantæ impietatis ipso Pontifice *Uzia*. 3212.

B

Eze-